

- informacija za medije-

20.04.2015.

U prostorijama Rektorata UNSA potpisan memorandum o međusobnoj saradnji između Sparkasse Bank i Akademije likovnih umjetnosti.

SARAJEVO, 20.04.2015. godine – Uz svečanu ceremoniju, Akademija likovnih umjetnosti i Sparkasse Bank dd BiH su zaključili memorandum o međusobnoj saradnji u cilju pružanja pomoći i osnaživanja likovne umjetnosti Bosne i Hercegovine.



Prof.dr.art Amela Hadžimejlić- Kečo, dekan Akademije likovnih umjetnosti u Sarajevu:
„Ispred Akademije likovnih umjetnosti Univerziteta u Sarajevu i svoje osobno ime želim izraziti veliko zadovoljstvo povodom potpisivanja Sporazuma o saradnji sa Sparkasse Bank. U ovim teškim vremenima za cjelokupno društvo a naročito za likovnu umjetnosti i kulturu općenito, ALU Sarajevo ulaže iznimno velike napore u ostvarenje svojih ciljeva, kvalitetnu edukaciju mladih budućih umjetnika, dizajnera i likovnih pedagoga kao i

Za dodatne informacije:

Kenan Đonko, direktor Direkcije za marketing, komunikacije i kvalitet usluge

Sparkasse Bank dd , 71000 Sarajevo, Zmaja od Bosne 7; Tel.: +387 (0)33 280 346;
Fax: +387 (0)33 280 249, Mob.: **+387 (0)62 313 520**; Email:kenan.donko@sparkasse.ba
www.sparkasse.ba

održanje i promociju bosanskohercegovačke likovne umjetnosti. Ovaj Sporazum za nas predstavlja značajan podstrek u našem radu i djelovanju, te se iskreno želimo zahvaliti Upravi i Odjelu marketinga Sparkasse Bank Sarajevo na prepoznavanju i želji da podrži u današnjem vremenu i na ovom prostoru poprilično zanemarene, istinske vrijednosti jednoga društva, poput edukacije i umjetnosti.“

Mr. Amir Softić, Izvršni direktor Sparkasse Bank dd BiH

„Mi u Sparkasse Bank sa posebnom pažnjom pristupamo segmentu društvene odgovornosti unutar kojeg vrlo pažljivo biramo oblast obrazovanja kao jednu od prioritetnih. Kako bi društvena zajednica dugoročno napredovala i razvijala se, svi trebamo ulagati u nauku, kulturu i obrazovanje. Jedina i prava investicija je ona u znanje, jer može obezbijediti dugoročni razvoj ekonomije, ali i svih drugih segmenata našeg društva. Projekt sa ALU Sarajevo vidimo kao iznimnu priliku da se mladi umjetnici dalje usavršavaju i kvalitetno ostvaruju svoje individualne ciljeve, čime značajno doprinose i razvoju cjelokupnog društva. “

Prof. dr. Muharem Avdispahić, dr. h. c., rektor Univerziteta u Sarajevu:

„U trenutku kada se umjetnost i kultura u Bosni i Hercegovini nalaze u nezavidnom položaju, izuzetno je značajno ostvarivanje saradnje koja predstavlja novi oblik podrške razvoju likovne umjetnosti u Bosni i Hercegovini. Realizacijom Memoranduma o saradnji između Akademije likovnih umjetnosti Univerziteta u Sarajevu i Sparkasse Bank dd BiH, pored zajedničkih interesa, daje se i doprinos jačanju kapaciteta Univerziteta u Sarajevu. Zahvaljujemo upravi Sparkasse banke što je Akademiju likovnih umjetnosti prepoznala kao respektabilnog partnera, te im upućujem iskrene čestitke i želje za uspješno ostvarivanje ciljeva saradnje.“

Na slici: Mr. Amir Softić, Izvršni direktor Sparkasse Bank dd BiH, Prof.dr.art Amela Hadžimejlić-Kečo, dekan Akademije likovnih umjetnosti u Sarajevu i Prof. dr. Muharem Avdispahić, dr. h. c., rektor Univerziteta u Sarajevu (sa lijeva na desno).

Za dodatne informacije:

Kenan Đonko, direktor Direkcije za marketing, komunikacije i kvalitet usluge

Sparkasse Bank dd , 71000 Sarajevo, Zmaja od Bosne 7; Tel.: +387 (0)33 280 346;

Fax: +387 (0)33 280 249, Mob.: **+387 (0)62 313 520**; Email:kenan.donko@sparkasse.ba

www.sparkasse.ba